


**Mlara President
Dieter F. Uchtdorf**
Ongerung el Counselor er a
First Presidency



Klou el Ongdibel — Ng Diak el Kuk Dil Tara Klengeltengat

Atara ungil el chad ra Ikelesia a milngedecheduch er a tonari er ngii el diak el oumerang el uaikid. Ma cheldecheduch el bo a liull el mora klou el ongdibel, e ng ka el tonari a mo a oker, “Me ke kmo ngar ngii er kemiu a reprofet ma reapostol? E erung er a chelsel a ta el rak el ngar tial omerk el mo ra beluulechad el ongdibel e te olecholt a tekingel a Dios?”

“Ng kmal uaisei,” ng kal chad ra ikelesia a ulenger el mle ansing er ngii.

Meng kal tonari a ulumdasu er ngii el mle telkib el taem. Ng kora mlar ngii a klemeriar reng er ngii meng uleker, “Me te dilul mo ngerang er tial mlo merek el klou el ongdibel?”

Me tiaikid el taem e ng ka el ungil chad er a Ikelesia el mle melchesuar ra klemeriar reng er ngii el ouchais er a ebangkelio a di mlo merur. Ng kmal millasem, e dimlak el sebechel medesuii a ngii di el tekoi er a tara ikal cheldecheduch.

Ma sechelil a miltik er tiang el kora mle metacherebesul meng millekoi el kmo, “Meng belkul a kmo a Dios a mengedecheduch el mora chad er chelchal sils e kau a diak el sebechem el dobedebek el kmo ngerang Ng dilung?”

Ngkal odam a mlo melchesuar er a klengariou el reng er a le kadecheduch. Ng dilemii er a rengul el mo blak a rengul el mo melbedebek a tekingel a re mesiu-ngel a Rubak er a klou el ongdibel.

Ke de medengei el rokui a ringelel a bo dolbedebek a bek el klumech er a klou el ongdibel, me ak kmal ungil medengei el kmo ng diak a belkul el bo de merur alsekum e ng diak el sebeched el dobedebek a ikel rokui. Meng uaisei, e ngarngii a klumech el ngara bek el klou el ongdibel el beskid el sengk e klengeltengat el mla er a babeluades e ruul el kmal di kirel a klengar el de ngarngii.

Chelsel omengedmokl el kirel a klou el ongdibel, e me kuuchais er kid a edei el tekoi el sebechel ngosukid el mo ungil el ngmai, e dobedebek, e ous-bech aikal tekoi el mla medung el mla er a mesiu-ngel a Rubak.

1. A rechad er a Ikelesia a subed el melai a ocholt el mo er tir sel orrenge e losuub aikal uldelid el tekoi el meldung er a klou el ongdibel.

Me sel mongedmokl el kirel a klou el ongdibel, eak siotai er kau el mo omdasu a ker el kau a soam a bo el mo nger. Me a okesiu, ke locha kmal oureng

a ongetikaik el ngara Rubak el kirel a ongarm el kau a chelbangel.

A nger el mora ikel nglunguchem omngai el ngara dertang el cheldechoduch malechub eng kmo ngerang el mildung. Ea le bebil er a taem ea nger a mei loeak a kuk di ngodech el tekoi, ikel mildung, malechub eng chelital. A reng el mui er a odanges el kirel a klengel-tengat er a klengar ma blak el reng el soal remenges e oltirakl a tekoi er a llach a mo kudmeklii a rael el kirel a ocholt el mei er ngii.

2. Mei melak mou sumengoit a klumech e leng kau el kora medengeli.

A reprofet a blechoel el olsisechakl el okiu omelekl; tiang a llach er a omesuib. Ke mo remenges a lomelekl el tekoi ma osisechakl er a klou el ongdibel. Msall ek kilungii a rengum: tiang a diak el belkul a kmo ng diak a ungil ruoll ma lechub eng uldasou. Kid a melemolem el orrenge a klumech er a osisiu el tekoi e le a Rubak a olsisechakl e melalem er a chelsel a uldesued ma rengud a bebil er a dodai er a osisechakl er a meklou a ultutelel tekoi er a diak a ulebengelel el kmal kired el mo medengei e mo meruul er a uchei er a bol sebedech el kuk mo er a bebil er a tekoi. A mellomes el meleketek a blai a kot eng kudmeklii a ungil dodai er a uchei er a bo lo mekedechor a kboub ma chadou.

3. A tekoi el medung er a klou el ongdibel a kirel el compass el olecholt er a roled er a ikal merael mei el buil.

Alsekum me kede orenge e oltirakl er a ngerel a Chedaol Reng, e te mo Liahona, el mengetikaik er kid a de siseb er a diak dodengeli, ongarm el beluu ma rois el ngii a ngar medad (mesa1 Nephi 16).

Me sera uchelel a beluulechad, ea Dios a mlo okistere a reprofet el mo mengedecheduch el kirel a urungulel a babeluades el mo er a rechad er a ikel temir el kiei. Meng ngercheled el mo orrenge e oltirakl aikal klumech el omeskid a Rubak.

A chubechub e oubeltikereng el Chedam er a Babeluades a dirkak a tang mel bechititerir ma lechub el bol bechititerir a rengelekel. Chelechal sils, el kmal di uaia ikal mla mo merek el taem, e Ng mla oterekete-rir a reapostol ma reprofet. Ng melemolem el olecholt

a tekingel el mo er tir.

Ng meral ongasireng el techall el de bo dorrenge a klumech er a Dios el mei er a dertang er kid sel ngar ngii a klou el ongdibel! Mei me bo dungil el menged-mokl er kid el kirel tial kmal klou el klengel-tengat el mla er bab el ongetikaik el omeskid tirkal ngellitel el mesiungel.

E le tiang a diak el kuk dil tara klengel-tengat.

OSISCHEKLE TIAL KLUMECH

- Bom dak e monguii er a llechukl. Molngeseu er a telungalek me bo lengilt a bebil er a tekoi el bo el orrenge sel ngarngii a klou el ongdibel.
- A mo ngosuterir a remekereki el ngalek el mo ousbech aikal tekoi el bileskid a President Uchtdorf, e mochtii er tir a blechebechel a General Authority (kede metik er ngii er a llechek-lel a ongdibel el ngara *Liahona*). Mouchais er tir me bo lodengei el kmo a First Presidency ma Chelechal er a Teruich me a Terung el Apostol a mo mengedecheduch er a klou el ongdibel. Bo mongesuseu er a rengalek me bo lorrenge er a ongdibel e bo el ousunga el mo ngosuterir el mo melebedebek aikel blel suub. A roungelek a sebedechir el omes er a conferencegames.lds.org el kirel a betok el sebedechir a rengalek el meruul sel ngarngii a ongdibel.

NGEASEK

Ungil, Kmal Ungil, Kot el Ungil

El mlara Mary-Celeste Lewis

Ngara cheldechodechal er a ongdibel ra October 2007, ea Elder Dallin H. Oaks er a Cheldebechel er a Teruich ma Terung el Apostol e ng milngedecheduch el kirel omeruul el ngii a "ungil, kmal ungil, kot el ungil." Me sera le bo ra tebedechel a "olsesiseb el ngerachel el mora rengalek," E ak mlo olengoech a bedengek er a kngtik ra kdengchokl.

Ak mle medengei el kmo ak miruul a kmal betok. Ak mle ulsiseb ra klekool er a skuul, e melai a meringel el suobel er a skuul, e mle uldimukl er a kuk di bebil er a

omeruul. Ng dimlak el blak a renguk el mo ra omeruul el ngarngii er a Young Women, ea Sandei er ngak a mle mui er a ongarm er a uldasu el melasem el meruul a dirkak ruul el urerek er a skuul. A omesuib el chelitakl ma oureror er a simbung er a skuul a mla mo diak el deureng e bai mla mo ureor.

A cheldechederal a Elder Oaks a rirellak me ak mlo ungil el omes er aikal kirek el meruul. A ikel kuruul a mle ungil, engdi ng kmal mle betok. Ng mle kirek el melilt er a ikel kot el ungil. Me sera kulasem el kmo ngera er a ikel kuruul ak bo kungoit, eak mlo medengei el kmo a ebangelio er a Jesus Kristo a kot el ngarucheil el ungil el bek el chad a sebecherir el mo obang. Ak ngiluu a omeluluuch ma omesubel a chedaol llechukl el mor sel kot er bab er a list er ngak, e seikid el merchelechang, ea klengar er ngak a kmal ngara ungil teletael.

A Elder Oaks a ulsisecheklak el kmo sel doruul aikel soal a Rubak a doruul *el ma kot*, ea rokui el tekoi a di mo ungil besul. Alsekum me ak mesuib a chedaol llechukl ra uchei er a kuusekool a klekool malechub eng uchei er a kuruul a subelek er a skuul, ea ikel rokui el meklou a ultutelel a meruul. Sel knguu a klengar er ngak el mo ultuir er a Rubak, el dimlak kuldak er Ngii e le ak mildesuii er a uriul, ea klengar er ngak a soiseb er ngii a budech e mo ungil besul.

Elechang e ng kmal blak a renguk el orrengea a omellach el dengai er a klou el ongdibel!

RENGALK

Ng Sebechek el Metik a Nger el Okiu a Klou el Ongdibel

A President Uchtdorf a olsisechakl el kmo alsekum me komdasu a bebil ra ker er a uchei er a klou el ongdibel, ea Rubak a sebechel el mengedecheduch er kau lokiu a reprofet er Ngii ma re apostol sel ngarngii a ongdibel.

1. Kom telungalek malechub e ng class, bom chadecheduch el kmo ngera ikel kiriu el meruul, el tang malechub e ng kemiu el rokui. (A okesiu: Ng mekerang e ng mo sebechek el smisichii a klaumerang er ngak? Ak mekerang a kungedmokl el kirel a mekngit el dubech er a skuul?) Ngara telkib ra babier er a journal er kau, e mluches aikal kerim.
2. Ngokiu aikel merael mei el sandei el mo er sel temel a ongdibel, e ng sebechem el omdasou e meluluuch el kirel aikikid el ker.
3. Morrengea el blak a rengum sel ngarngii a ongdibel (ng dirrek el ngosukau a omolluches a uldasou). E molluches el kmo ng mekerang ea Rubak — lokiu a remerredel er a Ikelesia — a le beskau a nger er a ker er kau.
4. Ea kuk tara babier, eng sebechem el ousunga er kau el meruul aikel bla msuib.



Klaumerang • Telungalek • Ngeheu

Melisiich er a Telungalek el Omdois ra Tekingel a Reng

Mosuub er tial klumech, ea di lungil, e msodii lobengterir a rodos el moldingel er tir: Mousbech aikel ker el smisicheterir a rodos e dirrek el rullii a Relief Society meng mo klou a belkul er a klengar kau.

Julie B. Beck, el merredel er a cheregelel a Relief Society, a melekoi el kmo: “Ng mla mukeroul er ngak a mui el klaumerang er a usebechellel a redil el ngelekel a Dios. . . . Ak melchesuar el kmo ng dirkak a tang mel ngarngii a kmal klou el usebechall ra omelisiich el klaumerang ma llemalt. Ng dirkak a tang mel ngarngii a klou el usbechall el kirel a mesisiich el telungalek ma blai.”

A rodos a sebecherir el remuul a mesisiich el blai ma telungalek sel ngara omeruul loki u ocholt el mo er tir. “Sel teletael el sebeched el, nguu, e remuul a ocholt el merkid a kot el chimong el klou el duch el sebeched el nguu er tial klengar,” ng milemolem a Sister Beck. “A mo obang a Reng er a Rubak a omuchel ra klemeriar reng er kid el kirel tial Reng e di mo ultuir er a klikiid el rengud. Oltirakl a llach, ouuchel a kngtid, e omekbeches a telbiil el milkedmokl er a de metecholb a mekrolid el mo ra klengeltengat el blechoel el obang a Reng er a Rubak el obengked. Meruul e oltirakl a telbiil er a templo a dirrek el dochel a klisiich er a tekoi ra reng ma klisiich el mo er a klengar ra redil. A betok el nger el mora meringel

el ker a debetik el okiu a omenguui el chedaol llechukl e le uchul a chedaol llechukl a olengeseu er a ocholt. . . . A nglunguuch er a bek el sils a klou a ututelel el mo obang a Reng er a Rubak el obengked.”¹

Ke de dirrek el smisichii a chad er a blid ra tekoi ra reng sel dolngeseu er tir el mo medengelii a uldesuel a Chedam er a Babeluades el kirel a diak a ulebengelel klengar. “Ngerang sebeched el rullii el mo ungil kudmekleterir a rengeleked er a tekoi ra reng me bol kldmokl el kirel a boloruul er sel diak a ulebengelel klengar?” ngoker a Elder M. Russell Ballard er a Chelechad er a Teruich ma Terung el Apostol. “Altang e sel kot el bleketakl el nger a kmo: Bo molsisechakl er tir el momeduch el kiei loltirakl a osisechakl ra ebangkelio.” Tial osisechakl a mengai er a omeluluuch er a bek el sils, chedaol llechukl, ma blengur er a telungalek ma dirrek el ongdibel er a telungalek er a bek el sandei ma mora Ikelesia. A Elder Ballard a omeketakl: “Ke de mangedmokl er a bek el sils, chelechal taem, el kirel a diak a ulebegelel el klengar. Alsekum meng diak dongedmokl el kirel a diak a ulebengelel el klengar, e kid a mangedmokl el kirel a diak a kmal

belkul, melechub eng kmong ngerang el diak a kmal ututelel.”²

Ngara Chedaol llechukl

Osisechakl 22:6; 1 Johanes 3:22; Doctrine and Covenants 11:13–14; 19:38; 68:25

Ngara Reksi er Kid

A Prophet Joseph Smith a ulsisechakl er a rodos er sera April 1842 Relief Society miting el kmo tir a ngarngii a klou a belkul el ngerche-lir el mo olsobel er tir. Ng millekoi el kmo, “A uriul er a [osisecheklek] e kemiu a mo ngercheliu a kngtmii; ngii a soad el chetengakl el kiriu el mrael el ngara medal a Chedam er a Babeluades el mo olsobel er kemiu; kid el rokui a ngarngii a ngercheled el mo er a Dios er a teletelel e kede mrael mo ungil ra llomes ma klemedengei el bilskid a Rubak el olengeseu er kid el el mo suobel.”³ Ng mle olsisechakl er tir el mo melemalt el chad, e mo chedaol chad, e mo kldmokl el kirel a ruoll ma telbiil er a templo.

ULEKLATK

1. Julie B. Beck, “And upon the Handmaids in Those Days Will I Pour Out My Spirit,” *Liahona*, May 2010, 10, 11.
2. M. Russell Ballard, “Spiritual Development,” *Ensign*, Nov. 1978, 65, 66.
3. *Teachings of Presidents of the Church: Joseph Smith* (2007), 355.

Ngera Sebechek el Rullii?

1. Ng mekerang e sebechek el ngosuterir a rodos er ngak el mo mesisiich el ditir er a tekoi ra reng?

2. Ng mekerang e sebechek el merael el mo ungil el mesang e oltirakl er a Chedaol Reng?

A lmuut el bebil er a omesodel, e bora www.reliefsociety.lds.org.